

重修兩淮鹽法志

兩淮鹽法志卷八十六

督銷門

淮北督銷二

五河設卡

同治三年五月五河卡員同知賀霽若稟竊奉鈞札暨淮  
北章程聯票關防當卽領訖謹將應先請示遵行者仰  
求核示 一新章載不准營弁下場亦不准再立餉鹽  
名目官運四條內載官運鹽船過卡完釐等事均照商  
運一律辦理以均成本卽陰杜跌價搶售之弊法至善  
也惟未奉新章之先撫營所提餉鹽未過五河者尙有

四萬餘包漕轅捐鹽尙有六七千包俱祇此一次此後再無各色名目可否免完釐金至豫勝營遣散兵勇分給鹽斤尙有二三萬包之多未過五河者前李軍門咨安徽撫憲准免釐放行可否依舊准其免釐 一新章載見在鹽釐大加裁減不准再行改捆惟新綱未開之前該商販已裝載上船者俱每包一百三四十斤不等姑免究懲而釐金旣已大減不得令重斤再占便宜且令販運新綱者得以藉口自應以鹽一百一十斤錢五百文爲准照斤加算抽收以示一體 一淮北票鹽不分口岸任湖販隨地運售自西壩出湖未過五河卡者

如盱眙縣舊縣河稍橋津泥黑桃窩澗溪明光集梅家  
市三河集黃盆窰浮山口各等處地方皆售鹽口岸從  
前淮河未通每日各處可銷鹽數千包非設立分卡則  
在該處銷售者得以免釐商販從中取巧於五河釐金  
大有關礙可否於適中扼要之三擺渡津泥兩處設兩  
分卡可免各鹽船分投他處以直達五河 一淮北湖  
販自兵燹以後資本無多或數十包或數百包皆零星  
小販所需釐票甚多開局之始應請增數發給 一向  
來各湖販完納釐錢每多屨和小錢一一勘數則爲數  
甚多且恐勘數丁役又從中舞弊可否錢數少者收錢

錢數多者照時價收曹平足色銀兩使商販便於完納而丁役不至舞弊且分解各營亦可節省運費一新章載鹽船自西壩出湖經五河正陽關抽收之後給予釐票他卡驗票放行不准重抽惟十二堡漕憲設立鹽卡在五河之上每包收錢五十文可否一概停撤以示體恤一見在西壩已經提餉之鹽實存在壩者尚有八九萬包見已開辦新綱使各販因已提餉之鹽不繳見課皆運售舊綱新綱滯銷則此數月之課餉從何處出應請札海分司體察情形如何設法俾新綱踴躍暢銷新舊並行則課不虛懸而卡釐亦得實效經鹽政曾

國藩批據稟前發淮北章程暨釐票關防均已收到良以爲慰所稟應辦事宜七條第一條未頒新章以前所有撫營李營暨撥歸安慶糧臺餉鹽均准照案免釐業已分別飭遵並咨安徽撫部院將李營曾經咨明包數銜名飭知該卡遵照在案至漕轅捐鹽在壩出售者其鹽已歸湖販領運固難免釐自運出湖者原奏亦並無免釐字樣均應照章完釐第二條未經出湖之販鹽已據海分司稟明一律發給艚口清單其已裝載上船者應如該丞所稟照斤加算抽釐以昭畫一第三條五河以下鹽船可以繞越之處自應設立分卡旣據查明王

擺渡津泥兩處係屬扼要准由該丞選派委員前往辦理第四條所請釐票已續印一千張隨批並發嗣後仍由該丞隨時專差請領第五條所收鹽釐既因收解錢文諸多不便應照市價一律收銀將來申報文內仍以錢計聲明合銀若干以符原案而免參差第六條新章內敘明五河正陽兩卡抽釐之後他卡不准重抽所有十二堡鹽卡自應裁撤候連第一條捐鹽並咨漕部堂查照第七條存壩舊鹽已據海分司議稟與新鹽分成勻銷矣仰卽查照遵辦

同治三年七月五河卡員同知賀霽若申奉札飭在五河

設卡遵照新章抽收鹽釐數目按旬具報等因業經於六月初一日開卡報明在案茲查自六月初一日起至十五日止所有遵收鹽釐一俟積有成數另行按成分解外理合按日開具清摺備文申報經鹽政曾國藩批無票私鹽補課放行梟徒無所畏懼必致愈形充斥於鹽法有害嗣後釐卡查出無票之私應仿淮南各卡之例將鹽全數充公其百包以內之零星私販起鹽後將人釋放如過百包以外卽係積慣梟徒必須犯鹽並獲專稟請示究辦所獲鹽斤積有成數統解督銷局變價濟餉仰卽遵照並候札飭正陽關釐卡一律遵辦



同治三年八月五河卡員同知賀霽若稟開局以來認真辦理已兩閱月謹將見辦各事宜並應請示飭遵者縷細繕具清摺呈鑒 一環五河皆水五河者潼沱滹澮淮五水聚會實皆附淮以達洪澤湖而入海除滹河在縣城之西南已經淤塞長淮由五河之西奔騰而來經縣治之南迤邐而東以直達於湖商賈循河而上抵正陽則分出六安州及潁州府其直達三河尖者則有河南所屬之光州及宣化鎮信陽州等處銷鹽巨鎮正陽以下西而北則由渦河以達蒙亳西而南則由定遠經合肥以達滁來皆以淮爲總匯而五河則長淮上下之

關鍵也潼河入湖在縣治以東離縣城三十五里與淮河南岸之浮山相對其源出自泗州由縣治之北過州所屬界溝地方經天井湖分兩支一支由東入湖一支西而至王家湖抵縣城之東南會合沱澮再由縣城東門外東橋口以入淮釐卡卽設在口下長淮北岸可以兼顧東橋口伏查潼河口爲向來私鹽出入之路自上年冬月後淮河通暢卑職在西壩提淮北餉鹽會同海分司沈倅嚴禁私鹽又因從前無論餉鹽販鹽皆不驗票稟請安徽撫憲於臨淮關抽釐時無論餉鹽販鹽過卡必查驗大票無大票者不准過卡以致私鹽漸少自

更定章程各路查辦更嚴潼河遂無鹽船出入仍派巡船丁役停泊該處巡查並分查對面河南岸之浮山及浮山以上十里之黃盆窑等處因南岸黃盆窑一帶每數里卽有小鹽棧每鹽船停泊時或數包或數十包私行盜賣以圖免釐鹽棧已經出示封閉不得不再派勇丁輪流稽查沱河亦出自泗州在縣治之西北入湖至西壩口會合潼澮由離縣治以上三十五里之張家溝以入淮因無銷鹽鎮市鹽船往來絕少澮河則自靈璧而來在縣治西由靈璧所屬之九灣東而至縣西門外之西壩口會沱澮亦出張家溝以入淮查九灣地方有

小河可北至蒙亳西至懷遠而西壩口爲必經之路已  
派巡船卡勇在該處稽查其已在卡完釐者驗票加西  
卡查驗戮記未完釐者則令其由東橋口至本卡查驗  
完釐俾無一處可以繞越又縣城之北渡口爲眾水會  
合之區因泊船此地隨時查驗防其偷漏 一五河以  
下各銷鹽地方除盱眙縣瀕大湖舊縣河面亦寬七八  
里處處皆可登岸無扼要地方惟離五河一百二十里  
盱眙所屬之王擺渡在舊縣西有小河由該處二十五  
里至戴家巷再二十五里至岡子集再十五里至明光  
二十里至盱定交界之梅家市再二十五里至定遠所

屬之三河集共計水路一百一十里每一小集有鹽棧  
皆無生意惟三河集有鹽棧四家見在每日百十包旺  
時可三四百包去歲淮河未通各販鹽船皆在三河集  
起旱戴家巷岡子集皆可起旱由合肥直達滁來巢並  
可徑抵壽州三河尖每日可銷千餘包自淮河通暢各  
鹽船皆泝淮而上銷售者不過本地食鹽且河窄水淺  
祇可小船載二三十包或四五十包糧食船出入視鹽  
船較多本年四月間撫憲委知縣吳世昌在該處抽收  
雜貨糧食釐並收鹽釐四五月旺時每月合其雜貨鹽  
釐四五百串六月則不及三百串卑職再三籌度一小

鎮市一委員收鹽釐一委員收雜貨糧食釐而所收者  
又祇此數徒滋糜費應否仍聽撫憲委員一手經理請  
示飭遵 一抽收鹽釐全在查艙鹽數之多寡以所查  
之碼簿爲憑從來淮河運鹽船戶奸詐百出其查艙摺  
子手非熟悉者必爲所欺而熟手又恐交通丁役暗中  
受賄特派鹽知事陳景元於鹽船到卡帶同摺子手稱  
手書碼家丁按艙親查查清確數始按艙登碼簿然後  
過稱 一新章載官運鹽船過卡查艙完釐等事均照  
商運一律辦理又營員販運私鹽久蒙嚴禁前四五月  
設卡時每有礮船或四五隻或十餘隻從下游私運鹽

斤揚帆而上過卡不完釐七月間有丁松齡張雲程帶礮船五隻在五河二十五里之黃盆窰裝鹽手執刀矛派勇攔截不住竟順風連檣而上當卽飛稟安徽撫憲嚴拏解營究辦又有礮船四隻停泊黃盆窰將照舊買鹽當卽製造火彈火罐又派礮船三隻揚言俟該礮船裝鹽到卡時四面環攻一鼓而殲該礮船聞信畏懾仍空船偃旗息鼓而回自後遂絕無至者 一運鹽船隻自髮逆滋擾被燬不少前因陳鎮軍赴楚撫營移壽需用船隻各船聞信至今深潛前督銷委員韓倬過五與商銷鹽之法以從前淮河湖販疊遭擄搶資本蕩然見

在能運鹽千包以上者卽難其人必須廣爲招徠因勸諭各票販宜各將存棧之鹽自運入湖途甚安而利甚厚各票販俱甚踴躍見俱在籌備運費出湖惟高良澗楊莊船隻無多竟爲所阻擬請咨漕督憲安徽撫憲自楊家莊高良澗以至三河尖一路濱淮地方有能運鹽至百包以外者不論何項差使不准擅封民船則各船輻輳而來於鹽釐不無裨益一奉札飭查有李軍門

憲照之鹽與安徽撫憲所發飭知內包數銜名相符者

准其免釐放行又安徽撫憲飭知前卡員翁參將將豫勝營各批餉鹽除已過卡者不計其餘未過卡各批開



單移交等因卑職照單核算其未過卡之鹽不下三十餘萬包兩月以來過卡者不及二萬餘包自清江餉鹽局奉札委時卽確查豫勝營實存餉鹽數目不過二萬包有零其李軍門給發兵勇川資之鹽或數十人或數百人共一護照皆將鹽在西壩高良澗變賣護照攜帶回籍奸商買其包數銜名相符之護照以圖過卡免釐或少給錢文或俟過卡後照五六折給錢種種弊端不一然遽行截止恐其中有實係所存餉鹽因籌辦運費者伏思護照之發給兵勇者爲數難稽而餉鹽之存在西壩者其數可查見豫勝營辦鹽委員尙駐壩上可否

懇札飭海分司會同豫勝營辦鹽委員副將李炳一知  
府楊筠確查李軍門給發兵勇將弁回籍餉鹽實存壩  
若干包見存何棧其已捆至楊家莊高良澗上湖船者  
已開行至盱眙舊縣雙溝黃盆窰一帶者又若干包限  
奉文半月以內確查實數開單稟呈電核再行飭知卑  
卡照單查驗免釐放行 一前五月間撫憲抽釐時陳  
鎮軍委員魏姓運鹽五百包又呂委員運鹽五千包皆  
未完釐金竟行過卡七月間有差弁持陳鎮軍三千包  
鹽護照到卡呈驗其委員來卡云五月辦鹽時實不知  
設卡以故未帶釐錢賣鹽完釐此處每百斤又祇可得

錢二串零懇卑職代稟乞恩先完一半餘俟售鹽後歸款並信致西壩委員此後不得辦鹽辦鹽必要全行完釐等語卑職伏思陳鎮軍調赴楚北適當需餉之際卑職親見其五河賣鹽並未帶有釐錢祇得於二十八日查驗收清釐金一半於初一日放行所有鹽票俱繳出一一查核尙無夾帶私鹽等弊經鹽政曾國藩批據稟第二條內稱三河集有鹽棧四家該處鹽船可以起早運售見經安徽撫部院派員收釐等情此卡收數雖據查明爲數不多但淮河鹽釐見應全歸本部堂總收分解該處如必須抽釐以杜繞越則應由該令設一分卡

抽收如因淮河已通而該處河窄水淺鹽船不致偷漏  
無須抽釐則應咨請安徽撫部院裁撤鹽卡辦法不可  
兩歧應由該丞妥議具稟以憑核示第五條空重鹽船  
自宜禁止封差以利轉輸候卽刊頒告示飭禁一面咨  
明漕部堂安徽撫院一體飭遵第六條李營餉鹽據海  
分司摺報截至七月底止存壩祇有千餘包其已上湖  
船已開行者未據具報有案難保無奸販買其護照朦  
混逃釐自應嚴杜其弊候卽札飭海分司會查確數一  
面就近移知該卡一面稟報查考仍候咨明李軍門自  
十月初一日起卽行普律抽釐以杜影射

同治五年三月運司丁日昌稟查五河正陽兩卡每包每卡收釐五百文加以鹽價水腳併計每包成本已在二兩以外再由正陽轉運光州信陽各岸沿途尙有數卡每包約共捐錢五百餘文而格外之浮費不與焉又查正陽關賣價二兩四五六錢不等其中貨物濫抵平色折耗行用使費種種支銷卽有餘利亦屬微細往往虧本者有之且到卡查驗有停泊風浪之險賣鹽完釐有勒價折本之苦繳釐完銀有錢價上下之虧守輪待售有船戶盜賣之累過關過卡有兵役留難之阻售鹽收價有鹽行強欠之欺況西壩收課有綱有額絲毫無遺

出湖之後隨處可售漫無稽查兩卡收釐勢難鍼孔相符計所收釐數亦不過七八成而已而官有薪水局用之開支販有驗票查船之費用一年計之其數甚鉅查釐捐之設原望北引暢行銷數旺則捐收愈多銷數微則釐捐愈寡且衛私潞私各岸侵灌以無課無釐之私鹽而較有課有釐之官引其勢本有所不敵三年五月開辦己未綱二十九萬餘引至四年九月甫行在壩售竣以年半而銷一綱之鹽販情尤爲困苦以綱半而收一綱之稅

國課亦屬虛懸釐捐不減無以輕販本卽無以廣銷路擬

請將五河正陽兩卡每包一千文改爲每包收庫平銀六錢照見在錢價核計所減不及十分之二而各販已受惠無窮所有五河釐卡每包銀三錢先由委員會同海分司隨課帶收其餘一半歸正陽關釐捐委員收繳俟銷市大旺卽行在壩全收以歸畫一或謂定章分兩卡收釐惟恐販力不足得以且售且完正所以示體恤今歸壩收則成本更重不知五河鹽價甚低湖販帶銀而來復帶銀而去殊多不便如果減釐有情願在西壩先完五河釐捐之議誠以緩捐者係一時之虛名減捐者乃日後之實利本司統籌全局爲保全課釐起見乞

核示遵經署鹽政李鴻章批據稟淮北票鹽餘利微細  
請將五河正陽兩卡鹽釐每包一千文改爲收銀六錢  
係爲減輕販本暢通銷路起見至減釐之後擬在西壩  
先收銀三錢既係出自販願可將五河委員裁撤卽歸  
分司隨課帶徵以速餉項而節經費惟事關更改奏定  
章程仰候咨商曾爵部堂核覆飭遵至淮北鹽釐奏明  
他卡不准重完光州一卡曾經安徽撫部院函商試辦  
每包收釐二百文當經函覆豫販本增轉輸難速恐礙  
正陽銷數信陽卡究係何衙門設立每包共增五百餘  
文之多無怪有虧商本其售鹽應以見銀交易刊章明



四庫全書  
卷一百一十一  
三  
載何以仍有濫抵貨物等弊務飭督銷局嚴加整頓不得陽奉陰違

同治五年五月署運司程桓生稟竊查淮北正陽五河兩卡應捐釐金經丁前司稟請將每卡每包向收一千文改爲收銀六錢以輕成本仰奉鈞批以西壩先收三錢可將五河委員裁撤卽歸分司隨課帶徵以速餉項而節經費並候咨商曾爵部堂核覆飭遵等因當經轉行海分司遵照茲據該運判沈炳具稟如奉核復准行自當遵辦惟本任場壩公事較繁課出票販釐出湖販雖係隨課徵收亦須另案分辨如各州縣之釐捐必須一

委員會辦以專責成擬請卽令五河委員移駐西壩會  
辦等情署司伏查該運判所稟係爲慎重票鹽釐務起  
見可否飭委賀永赴壩會同辦理仰祈批示經署鹽政  
李鴻章批查淮北票販獲利之薄本署部堂復加訪察  
係因三河尖重設鹽卡並沿途節節索費以致本重利  
微商情觀望見在三河尖鹽卡業經咨准喬撫部院函  
覆已飭委員卽日停止並嚴禁沿途各卡濫收黑費其  
正陽鹽行一切弊竇又經頒發條示札飭王丞治覃一  
概埽除本年五河卡收數較去年稍旺值此捻勢蔓延  
臨淮糧臺暨漕部堂安徽撫院需餉均急未便驟議減

釐轉致餉項短絀仰仍察看將來銷數再議改章

同治九年二月戶部咨據兩江總督馬新貽奏報癸亥綱  
徵收課釐當經本部議覆以五河正陽兩卡鹽釐既定  
以每包五百文一律徵收何以兩卡數目懸殊多寡不  
一其中有無偷漏影射徵多報少之弊相應咨查以憑  
查辦嗣於同治十年六月鹽政曾國藩覆咨查准北票  
鹽凡在引界之內例准隨地零售五河正陽原定每卡  
抽錢五百文但釐非課比祇能以過鹽之多寡定收數  
之盈絀五河以下如山陽等處皆係北鹽引地各販有  
就近開售者有遠行上駛者其鹽未必盡到五河則五

王國棟

任再有短少以杜弊混而重釐務

同治十一年二月戶部咨查上年奏報乙丑綱課釐內開五河正陽兩卡鹽釐所抽數目較之上屆殊形虧絀究竟兩卡抽收鹽釐有無附近爭售繞道趨避情弊應由該督認真稽查實力抽收勿任再有短少經鹽政曾國藩札行五河正陽兩卡詳覆旋據五河正陽委員詳稱以淮北票鹽例准隨地零售五河去西壩五百餘里其間如山陽清河桃宿邳睢泗盱等處凡在淮北引地均准銷售正陽又去五河五百餘里其間臨鳳等處均可銷鹽以故五河正陽所抽釐數與西壩出湖引數不同

正陽又與五河不同事勢所然斷難強之使合至抽收鹽釐向請督鹽憲印發三聯大票騎縫填寫不容稍有弊混其運赴上游者止有長淮水道暢行若繞越趨避須由陸路水陸運費懸殊商販亦不肯避釐而增費所有鹽釐不能合額實無弊混亦無繞道趨避情事又經運司詳稱其抽釐之五河卡距西壩五百餘里正陽卡又距五河卡五百餘里淮北票鹽自西壩完課後隨地皆可售賣引數又屬零星非若淮南引鹽必須整數到岸方准出售是收釐之數實難符於額運之引均屬實在情形且收繳釐錢填有三聯騎縫印票亦斷無弊混

下州縣志卷之二  
繞漏情事本司惟有嚴督各員認真抽收毋任顆粒透漏理合據實詳覆以憑轉咨備考

同治十一年五月鳳陽府范運鵬稟覆誤拏商販一案據五河釐卡候補知州劉景堯移覆查黃盆窰地方買賣稀少銷售鹽斤並無包數向由行戶呈報代商售鹽或十幾斤或幾十斤以零星不能成票逐日登記積至數百斤或數千斤則照例以一百一十斤爲一包共成若干包然後司事報明總局彙總給一釐票此釐票非有販戶可交不過給行戶以爲完釐分別官私之據此項釐錢亦由行戶零星扣繳須積數月方有成數多則百

警有門 佳比警有門



縣奉文緝私應否以卡條爲憑之處另稟督憲核示等情伏查各州縣奉文緝私遇有販戶往來旣無官票憑何證據分別官私應請由五河釐卡另行妥議章程稟請核辦經鹽政何璟批旣據該府飭提鹽販沙兆貴等訊明鹽向行戶買來在黃盆窰分卡報釐業將各販戶釋放並將鹽斤照數給領惟該分卡給卡條始於何時其條內並不填明收釐數目究竟該司事有無弊混未據遵批澈查僅據該局移文一轉該局員文內之辭不免偏袒未足盡信仰再明查暗訪務將確情據實密稟以憑核辦

同治十一年七月鳳陽府范運鵬稟伏查黃盆審分卡給發卡條始於設卡之時該處本非銷鹽市鎮從前居民零買食鹽或十餘斤至數十斤爲數無多亦不出境該分卡從權辦理給與卡條今竟由販戶買運出境並已積數成包該司事並不稟明仍行擅給卡條又不填明收釐數目以爲有鹽數卽知錢數祇圖省事難保非意存嘗試若總局漫無稽考地方不經盤獲將來以多報少以有作無均在意中惟此次沙兆貴等所販鹽斤旣經弔查行帳各簿核與五河總局大票釐數相符是此次該司事所給卡條業經完釐未曾弊混尙屬可信旣

經由局斤逐並將卡條禁止嗣後應請由該局申明舊章隨時查察其黃盆窰等卡仍祇稽查繞越不准外販買運出境以杜偷漏而重釐課經鹽政何璟批該司事所給卡條雖經派員查明尙無弊混究屬未經稟明辦理率謬業經斤逐應毋庸議至該分卡以稽查繞越爲專責自不宜令販戶赴卡買運出境而本地及附近居民零買食鹽勢不能全行禁絕卡條旣經截停嗣後能否概用大票究應如何核發官件以杜影射之處仰候札飭五河釐卡趕緊議稟核辦

同治十一年八月五河釐卡知州劉景堯稟伏查黃盆窰

分卡經卑職另行派人前往稽查仍不准販戶買運鹽斤出境以杜偷漏而符舊章數月以來絕無外販至該處買鹽者惟居民食鹽勢不能全行禁絕見仍照舊章除各審戶苦力之民間有以盆鉢買鹽三兩斤者免收釐錢以示體恤外所有該處及附近居民購買食鹽或十餘斤或數十斤不成引包斷不能給票仍由行登記彙總填給釐票其買鹽多者皆來五河官行購買五河鹽行所售之鹽悉是過卡報釐之鹽其賣出皆有行單爲憑見在黃盆審零買之戶鹽既無幾釐錢亦極微末似無須發給官件經鹽政何璟批既據查明黃盆審銷

下江鹽法司卷八十二  
鹽無多自可毋庸另給官件至由行登記稽查難周應責成行戶照章完釐買鹽數引在行零售前鹽售竣並行續買庶足便民而免漏釐

同治十一年十一月署鹽政何璟奏五河正陽兩卡鹽釐因收數未能畫一部文飭令按引計算查票鹽納課後向准隨地行銷其經過五河正陽兩卡者本係有一引之鹽收一引之釐填給三聯印票不致徵多報少其在附近零售不由該兩卡經過者無從抽收兩卡收數參差職是之故但繞道影射諸弊誠如部議不可不認真防範所有淮湖以上凡可繞越之處均已酌設分卡派

員堵緝此次丙寅綱兩卡收數比較上屆多收錢十餘萬串尙無短絀之慮奉

旨戶部知道欽此

同治十一年十一月五河釐卡道員程國熙稟呈辦理章程四條 一報數務宜核實也向年商販到卡挂號投票間有巧滑之徒先將引票隱匿數張爲摺查時賄囑折減地步此弊最重首宜革除見派監查摺手慎選誠實可靠之人以司其事每於商船挂號卽時下艙摺查點數開具艙單呈由職道親核縱有匿票亦必登時查出勒令呈稟蓋戳照數收捐否則係無票之鹽卽以私

論 一重斤散艚宜禁也淮北票鹽每包連包索重一百一十斤係屬定章不容紊亂向來鹽船過卡有等奸商併重包斤甚或無包散鹽多方藏匿希圖漏釐見於攪手下艚時卽派稱手同行均由監查督率一面過攪一面見稱如有併包之弊定以最重之包通船照報散艚則以一百斤核成包數照章究罰若多至一千斤以上卽全提充公以昭炯戒 一隨到隨查不准耽延也向來鹽船過卡必須三日後始能開行以致滋生弊竇見在明定章程本日挂號立卽攪查截數由職道自行稽核次早收捐清楚填給釐票卽便放行不准片刻留

難除正捐之外不准分文需索一銀錢并納以聽商便也向來收納銀價并不照時得以上下其手任意剋減見定以商販如攜帶錢文卽照收足數制錢不准格外挑剔如願繳銀照時作價兌收足色不准留難或錢或銀悉聽商便經鹽政何璟批據稟章程四條均尙妥善其嚴查匿票及散艚併包兩條尤見認真整飭力除積弊仰卽實心經理始終無懈

光緒元年十二月五河釐卡道員程國熙稟淮北票鹽由西壩領運出湖經過五河卡投票掛號捲數完釐自應鹽票相符方昭核實乃湖販每多隱匿引票希圖取巧



甚至有意夾私從中朦混迨經查出鹽數浮多始將票張補出又各營礮船及公差船隻亦多夾帶私鹽闖卡往往不服稽查仰懇一併出示嚴禁凡票鹽船隻經五卡查出票外鹽斤卽以私論各營礮船及公差船隻自下游上行亦須到卡查驗方准放行不得恃符滋鬧經鹽政沈葆楨批湖販鹽浮於票顯係有意影射補呈之票其爲廢票無疑包外夾帶除將鹽充公外照章應行嚴究詳辦又各營礮船差船帶私闖卡不服稽查尤爲離務之害近來壩銷極滯未始不由私充所致仰候一併出示嚴禁該道務須破除情面遇有前項私鹽一律

重辦以示懲儆

光緒元年十二月鹽政沈葆楨示淮北票鹽向有餘票護私之弊旨曾前部堂奏定新章禁止改捆凡由西壩領運出湖經過五河正陽鹽卡投票挂號摺數完釐必須鹽與票符如有包外夾帶嚴究詳辦載入刊章功令何等森嚴乃近聞湖販往往鹽浮於票甚至有意夾私從中朦混迨經卡員查出始將舊匿引票呈明名爲補票補釐實在補呈之票盡是廢票一任抽釐放行各湖販將恃廢票爲護符任意影射弊無底止其各營礮船及公差船隻亦多帶私闖卡不服稽查均爲鹺務之害近

來壩銷極滯未始不由私充所致除飭五河正陽兩卡  
破除情面一律重辦外合行出示嚴禁爲此示仰湖販  
暨各營礮船差船人等一體知悉補票補釐一概禁絕  
此後查出票外鹽斤卽以私論將鹽充公提犯嚴究詳  
辦各營礮船差船儻敢恃強滋鬧查明委弁職名先行  
稟參按律治罪本部堂言出法隨其各懍遵

光緒三年九月戶部議覆鹽政沈葆楨奏報壬申綱票鹽  
截限日期並訪查鹽綱積弊自請議處附片一併臣部  
查釐金一項先經奏定淮北每引行鹽四百斤分掣四  
包發給三聯照票於五河正陽兩關設局每局按包抽

制錢五百文餘卡驗票放行不再抽釐臣部按照該處額運二十九萬六千九百八十二引核算兩關其應歲收制錢一百一萬千有奇嗣因該督報收前項釐錢惟丁卯一綱收一百七萬千零其餘每年均祇七八十萬千疊經專咨飭查據稱鹽釐係按包抽收未至兩卡已有應銷之處是以錢數不能與引數相符並無弊端等語查各處設立釐卡皆在扼要處所若北鹺未至兩關已有應銷之處則當時早應別據上游必不設於五河正陽可知且所稱應銷者係在何地何岸來文亦並未指實若所銷本係淮北引地將歲額有常自應按年

運售何以丁卯一綱收數獨旺豈有應銷之處忽於是年不銷而使鹽斤漏及兩關乎又所給三聯照票自應隨同鹽包一併過卡以憑稽核今關尙未到而鹽已先銷到關時將持空票呈驗抑匿票不繳乎種種情節支離礙難稽核恐各該關徵多報少在所不免應並令該督轉飭運使調取五河正陽兩局歷年抽釐文簿詳細查明如有隱漏情弊卽將各委員從嚴參處並將各年分短交釐錢按名按數勒限追繳毋稍寬縱以後務令按包給票由各關局驗票抽釐藉防偷漏所收錢數應以引額爲准按年徵完毋任再有虧短俾充餉需嗣於

四年六月鹽政沈葆楨覆奏遵經札飭運司分晰確查  
去後茲據兩淮鹽運使歐陽正墉調取五河正陽兩卡  
收釐冊簿逐細勾稽均與造報之數相符詳請覆奏前  
來查淮北票鹽例准隨地出售五河以下如泗州盱眙  
等處正陽以下如臨淮鳳陽懷遠蒙城等處均係銷鹽  
口岸鹽價之低昂悉視運道之遠近路愈近則價愈賤  
各該處居民向食輕價之鹽一經加釐增價勢必全行  
食私轉於課項有礙前督臣曾國藩定章之始非不知  
近場一律加釐爲扼要且所得者多而必隔數百里分  
設兩卡者實謂便民爲裕課之基故斟酌盡善而出之

既經運司調驗冊簿查明毫無隱漏似未便輕率議改致失疏銷之本意奉

旨戶部知道欽此

光緒四年正月五河釐卡道員程國熙正陽督銷局直隸州廖綸稟奉札據湖販孫國治等稟求變通體恤等情當批該販等歷陳困苦不盡無因非設法招徠難期踴躍見在鹽釐斷難議減而兩卡收解銀價每年統計尙有盈餘應如何酌量減讓以輕販本之處候札飭五正兩卡會商妥議稟奪等因抄稟札飭遵照職道等查閱該販孫國治等稟內稱近來成本暗增岸價遞減大稱

折耗銀色減平住日守輪各種糜費等語誠如憲批不盡無因惟此項鹽釐專濟關外前敵緊餉此時萬難議減既奉憲札五正兩卡收解銀價每年統計尙有盈餘自不敢不通盤籌畫酌量減讓伏查兩卡經收鹽釐除按包收錢五百文外別無絲毫浮費該販等以銀合錢繳局見以曹平銀一兩作錢一千六百五十文由局改兌庫平銀報解每兩作錢一千七百五十文蓋曹平申庫平每百兩須加平二兩有奇實計每收解銀一兩可餘錢六十文歷經循案辦理此項盈餘卽爲津貼辦公之費緣兩卡及各分卡火食例不開支委員司事額定



薪水不敷養贍不能不量加津貼額定友丁不敷分布不能不格外增添且兩卡收釐月分均有衰旺之別旺月方有盈餘而盈餘又需留補衰月不足之用卽如本月冰凍船膠年近歲逼釐金之來源已斷軍餉無出坐支難敷然何敢祇患本局之艱難而漠視眾商之苦累查見在市價每銀一兩合錢一千六百一二十文該販之銀每兩作錢一千六百五十文已屬格外體恤每兩暗讓錢三四十文擬嗣後鹽釐每銀一兩酌讓錢十文准作錢一千六百六十文此十文卽於盈餘項下貼補經鹽政沈葆楨批此案昨據五河卡程道具稟擬每兩

減讓錢二十文該卡自應照減以歸一律嗣後兩卡收釐每銀一兩准作錢一千六百七十文所減之二十文卽於兩卡盈餘項下貼補仰候飛札海分司卽日出示曉諭廣爲招徠儻該販等敢再以廢票影射除鹽斤全數充公外立提嚴究詳辦毋再稍涉徇縱

光緒四年十二月鹽政沈葆楨示北鹽定章每引分捆四包卽使包皮偶有破壞儘可隨時更換其散艚鹽斤大率船戶夾私多方藏匿希圖偷漏課釐五河釐卡向來辦法僅將散鹽核成包數除照章完繳正捐外每包罰錢五百文在於大票填明雖較補釐多一罰款其實鹽

與票不符且不完正雜課及經費等項是別開漏卮生面也近來罰項漸多難保非奸商以廢票絕止改裝散鹽影射亟應出示嚴禁爲此示仰湖販船戶人等一體知悉自示之後查出散艚鹽斤停止捐罰將散鹽全數提卡配引變價分別充公充賞以杜流弊而符定章爾等切勿貪裝散鹽自罹法網

光緒五年七月鹽政沈葆楨奏再部咨令查明以前各綱短徵釐錢著落各卡員照賠等因查釐與課不同課徵之於起運之前釐徵之於分銷之後釐錢如有定額則短徵之數縱非侵蝕亦係遺漏責之賠繳百喙奚辭今

五河正陽以下均有銷鹽口岸過卡之鹽抽釐不過卡者不抽也銷鹽之衰旺不齊過鹽之多寡因之而異釐金之輕重亦隨遠近而殊其不能無所參差者勢也亦理也各卡員徵釐簿冊經運司調驗毫無隱漏據稱無可賠繳洵屬實情臣惟有飭其共矢廉潔益加砥礪事事務求實際以裕課款嗣於十月戶部議查同治三年曾國藩奏定淮北抽釐章程內開北鹽由棧出湖改捆大包以省運腳及按包抽釐之費改包後鹽票不符叢生弊竇應嚴禁不准改包於例給大票外每船裝鹽包數填給艙口清單使鹽與票符以杜運多報少之弊逢

卡抽釐時驗票不驗鹽包等情是立法之初防弊極爲周密曾國藩所謂使鹽與票符以杜運多報少之弊者卽是臣部前奏議令將按年釐錢查照歲銷額引數目徵收之意當時必預料有未到卡先賣鹽之弊故定章逢卡以票爲憑不以鹽包爲憑其不論鹽包之曾否銷售總以原領票註包數作准可知如是稽核則每年抽釐之數與每年銷引之數自能脗合無差若如該督所陳各年銷鹽衰旺不齊過鹽多寡遂異抽釐因不能無參差之說是未到卡以前各商隨處可以銷鹽並無委員盤察迨過卡時任聽該商捏報其間銷少報多勢所

必致即使卡員臨時檢點鹽票必視初領運時引數減少此正曾國藩所指鹽票不符弊竇叢生之病也且鹽船到關卡員不照票註包數按票抽釐而反視鹽包多寡爲抽收輕重之殊核與報部初定章程亦屬不符其爲各卡員等飾詞支掩亦可概見臣部綜理度支當此費用支絀之時不能不實事求是應請

旨敕下沈葆楨督飭運使查照本年六月臣部奏案調取五正兩卡歷綱收釐正真文簿詳細稽查如有徵多報少隱漏情弊卽將各委員參辦並將歷屆虧短釐錢勒令照數賠繳儻係商販取巧偷漏應令收回各票販原領

照票查對確數如有漏繳前項釐錢卽查明票內所載鹽包數目責其照數補交勒限清完報部嗣後務令按照定章隨包給票由各卡局按票抽釐卽有未到卡前已賣之鹽包亦應一律補收釐課藉防偷漏似此稽查嚴密庶可弊絕利興所收釐錢總以按照引數全徵爲准按年足額勿任短少將來釐錢多收除照章分撥各路軍需外如有餘賸應並令查照臣部本年二月咨案另款存儲留備京餉不時之需奉

旨依議欽此

光緒五年五月運司歐陽正墉會同金陵軍需局詳奉札

1174434 1181274



繞算藉詞朦混開除並令轉飭淮北分司嚴諭該卡委  
員務須按年遵照額引暨三聯照票所載鹽包確數照  
額徵足造報儻仍前短絀本部定行從嚴參辦以重課  
款等因本司等伏查五河正陽兩卡抽釐向係核實收  
報緣淮北票鹽凡在引界之內例准隨地零售各販運  
鹽有就近開售者未必盡到五河到五河者又未必盡  
到正陽該兩卡以過鹽之多寡爲收數之盈絀按額旣  
難符合計綱亦復參差部文謂丁卯壬申兩綱每綱報  
收釐錢一百七萬餘串其餘歲有短絀是其明證至軍  
需局入款多取給於鹽釐茶釐自同治十年以後湘鄂

西皖四岸鹽釐奉撥

萬年吉陵地

工經費及添協各省軍餉爲數甚鉅皖南茶釐亦因洋莊不銷遞年減收卽此兩項就金陵軍需局一處計之約每年短收銀二三十萬兩共支本省留防海防營餉甘省老湘營餉挪湊墊還甘省洋商借款竭蹶異常雖近一二年來五正兩卡收釐稍旺藉資挹注然以長補短不及三分之一仍屬萬分支絀況該兩卡收釐衰旺靡常未能指定確數若再議提鉅款則入項愈微委實難於措拄似應請予免提以顧餉需而維大局經署鹽政吳元炳批准

光緒五年六月戶部奏署鹽政吳元炳奏報癸酉綱徵收課釐數目以上年冬令嚴寒長淮凍結舟楫不通致釐錢收數又較短少等情查此次續報癸酉綱徵收數目五河正陽兩卡鹽釐共祇收錢七十五萬五千九十六串有奇查七十五萬餘千之數以每引抽釐錢四千合算計所抽尙不足二十萬引之釐淮北每綱票引均報足額全完是兩卡漏未抽釐之引幾有十萬道之多各商販從何偷越其間吏役賣放員弁侵挪恐均在所難免若謂因長淮舟楫不過以致滯銷缺數查天寒河凍冬令事所常有濱淮民戶奚啻萬億何能因河凍而均

安淡食卽各票販亦不能任聽私鹽充斥官引阻滯不  
思設法變通以利行銷況按綱額票均報全完又何得  
飾詞滯銷爲屬員卸過地步總之各卡員相沿成習前  
員虧短旣不認真追賠則後來徵收何妨效尤侵蝕年  
復一年虧數甚鉅若不澈底查究何以重課款而肅考  
成應並請

敕令沈葆楨遵照臣部前奏督飭運司調取五河正陽兩局  
歷年抽釐文簿詳晰稽查有隱漏情弊卽將各委員  
從嚴參辦儻係商販偷漏查前經該省奏定章程逢卡  
驗票不驗鹽包所有歷綱短收鹽釐錢文應令轉飭查

驗各票販所領照票數目按票查對如有未繳前項釐  
錢卽查明票內所載鹽包數目飭令照數補繳勒限清  
完報部毋得遲延含混以後務令按照向章隨包給票  
由各關局驗票抽釐藉防偷漏似此嚴密稽核則厯綱  
短絀之由不難水落石出且將來亦可知所防範以期  
弊絕利興至所收錢數總以引數爲准按綱徵足毋再  
短絀並令查照本年三月臣部咨案除照章分撥軍需  
外每綱畫提制錢四十萬串專款存儲留備京餉撥款  
尤爲至要奉

旨依議欽此

光緒八年七月鹽政左宗棠批五河釐卡知府黎福保稟  
泗虹靈招商一案據稟泗州虹縣靈壁等處例食北鹽  
因私梟充斥官鹽店商人虧折歇業兵燹以前卽無官  
鹽店茲據該守會商泗州王牧招徠殷商趙海仙鄧應  
舉開設官鹽店試辦以期規復舊額具見該印委等留  
心鹺務深堪嘉尙見在開辦伊始自不必限以額引所  
有定價試辦一切均俟辦有成效詳細會稟立案雙溝  
潼河設立局卡派知事周定蕃前往督銷均准照辦淮  
北本年增加新引疏銷爲當務之急不宜稍涉懈怠泗  
虹靈等處私販充斥昨據統領威靖軍鎮南程鎮牘稱

於泗靈所屬楓山窰成子河青陽鎮山南頭黑塔集高  
家集六處每處派哨弁一員帶勇五十名分駐巡緝尙  
有靈璧境內之張家大路一處亦飭派隊前往該鎮於  
緝私一節布置均合機宜本爵閣部堂已批復嘉獎此  
外如尙有走私地方仰卽會該鎮辦理可也

光緒十年九月五河釐卡道員許薩阿稟王擺渡所過之  
鹽歷行次色每包八折抽收一爲搶銷計一爲敵私計  
自冒倖接辦以來每包又改爲六折抽收該處鹽行三  
所一係盱眙之馬家岡開設一係鳳陽之梅家市開設  
一係定遠之三和集開設凡鹽販到卡先報該處三行

每行派經紀一人再報該卡按每包六折完釐後該卡司事人等始下河查驗其各販運到票鹽或每票僅二十餘包十餘包不等該分卡所收鹽釐登時不給聯票候月底報解後由該分卡再行填票交該各行轉發其中不實不盡在所難免查包數不敷票數一節或買廢票購私鹽者有之或運鹽到卡停泊十餘日不完鹽釐開行用小划裝載偷漏者有之又聞有捲手人等與鹽行串通舞弊者有鹽行經紀串通鹽販偷漏者有捲手人等串通鹽販偷漏者有捲手人等串通鹽販乘風雨黑夜偷漏者積弊已深似有牢不可破之勢職道正在



出示嚴禁閒適奉札飭嚴禁減折抽收之弊一面出示  
曉諭禁絕各項情弊嗣後經過鹽船按票合包不准多  
少參差凡運鹽到卡立即赴卡登號註明何戶裝運若  
干票共計若干包挨次查驗如有包數不敷票數即以  
私鹽論諭令該販自報自完隨給聯票庶杜以多報少  
影射等弊所有馬家岡梅家市三和集等處鹽行各帖  
卽諭縣丞黃啟南就近調驗後一律飭令撤回以省煩  
累至登時不給聯票之弊或藉口司事人等難以填給  
則再添司事一人專寫聯票儻有搯手人等串通鹽販  
舞弊者可否請以荷校治之枷號卡門以示懲儆經鹽

政曾國荃批據稟王擺渡分卡各弊經該道確切查明  
僅收六折且由鹽行轉報聯票亦由鹽行轉發種種弊  
端不勝枚舉無怪北鹺一蹶不振卽照該道所稟切實  
整頓如有司事暨摠手人等串通鹽販暨牙行人等舞  
弊輕者驅逐重者送縣枷號以示懲儆各鹽行亦照所  
議驗帖撤回不准再行代販報捐致干嚴究

光緒十年十月鹽政曾國荃批五河釐卡道員許薩阿稟  
親查各卡弊竇一件雙溝地方向來旣祇有上水船何  
以此次忽有下水船轉由靈境運出雙溝顯有繞越情  
弊惟雙溝卡員前據黎守稟明有督銷之責業據呈出

局票尙與販私有開仰卽勒令折回其已運九灣之千餘包亦不得任意分撥以杜弊竇至邳宿睢桃四食岸見已買運壩鹽與海分司衙門奏銷有關方飭力圖整理不致漠視壩鹽出運包數有旬報可稽將來代收鹽釐亦不致以虛作實此兩層尙可無庸過慮也

光緒十年十二月五河釐卡道員許薩阿稟王擺渡積弊太深猝加整頓未免窒礙該處原設永厚三盛公義等行有紳士開張者有回教開張者而梅家市三盛行地方之回教最多亦最蠻該販議論紛紛希圖闖卡而過着加派礮船駛赴該分卡嚴密防護毋得稍涉決裂查

冒倖前收湖販洋銀每洋錢一元僅扣錢一千零五十  
文職道飭令照依市面時價折收不准短減分文稍使  
湖販喫虧又念該販全係小戶所運之鹽本係下色售  
價頗賤獲利頗輕以從前六折扣算每票四十包僅抽  
收二十四包減少釐金十六包此次略爲變通每票四  
十包抽收三十八包暫免釐二包該販遂皆踴躍樂從  
俟試辦數月後察看利弊所在孰重孰輕再行稟請定  
案至釐捐向由鹽行轉報聯票亦由鹽行轉發此弊業  
經剔除淨盡司事掇手人等咸知畏懼不敢勾賄偷漏  
所有該鹽行請領之帖或係戶部頒發牙帖或係安徽

撫部院帖均經調驗見已一律撤回各歸各領其帖指定地方生理經鹽政曾國荃批徵收釐金本不應絲毫減讓惟王擺渡所收之鹽下色居多從前積弊又深整頓伊始操之不宜過急准如所議每票四十包暫免二包此係格外體恤暫時權宜仍俟辦理數月卽行稟請照章全完他卡並不得援以爲例

光緒十二年正月鹽政曾國荃示照得淮湖鹽船攸關國課無論何項差使向不准封疊經嚴禁在案近聞各處防營撤回押解軍械弁勇將原坐之船放走故意欲換船隻一見鹽船不問已載未載硬行封拏實屬有害商

運當此漕運伊邇若不嚴行示禁難保沿河差役人等  
不藉端滋擾合行出示嚴禁爲此示仰諸色人等知悉  
自示之後無論空重鹽船概不准封如再有強封鹽船  
藉端需索情事一經船戶告發定卽提轅從嚴懲辦決  
不姑寬其各懷遵毋違

謹按五河正陽兩卡各抽釐錢五百文其事相連故  
正陽釐卡之案多彙入此篇其正陽督銷另具下兩  
篇

兩淮鹽法志卷八十六

兩淮鹽法志卷八十六

兩淮鹽法志卷八十七

督銷門

淮北督銷

三

正陽卡局

上

同治三年四月鹽政曾國藩札照得正陽關三河尖爲淮  
北售鹽總匯見在售價每引在十兩內外新章成本不  
過七兩上下計利甚厚但恐不肖商販搶跌賤售致使  
價不保而票法壞必須官爲督銷隨時稽查以杜弊端  
合行札司遴選運判一員前往該兩處往來督銷如查  
有搶跌賤售等事卽行具詳從重究罰仍將派委銜名



具報查考

同治三年五月正陽督銷局運判韓茂萱稟奉運憲札委赴淮北督銷遵卽前抵西壩面晤海分司沈運判會商整頓於本月二十一日開辦見在急須保價定碯謹擬章程六條呈鑒 一設局保價正陽關爲淮河鎖鑰其地東接六霍南達光固信陽西至潁州凡六安州潁州府三河尖銷鹽之路皆必以此爲總匯擬請設立總局鹽運到岸赴局投驗大票登記號簿由該販自行投行按照見在市價酌中定議上色鹽每包曹砵稱連包皮一百五十斤足曹平紋銀二兩八錢中色減去五分下色

再減五分遇銷市暢滯隨時提減上色鹽不得減至二兩八錢以內委員督飭各行按五日一次齊集公平酌議懸牌曉示不准私自增減以杜搶跌而保販本各營餉鹽亦應一律辦理其售鹽應仿照楚西按船到先後挨輪銷售及新舊各鹽分成勻銷 一整頓行棧近來行棧往往勒價刁難無弊不作擬請由委員查明正陽關懷遠等處從前殷實行戶選擇數家稟請發給諭帖准其專司鹽行其他私設行棧一概押令閉歇凡鹽行均歸官局稽查設立循環簿每日到鹽售鹽數目自行赴局呈報至交易銀錢由商販與鹽行自行經理委員

不得與聞 一頒發官硃銷市疲滯都由稱之高下鹽  
行暗中侵蝕大有礙於販本查西壩見有庫硃係曹砭  
十六兩擬卽隨帶稱桿飭交各行於稱鹽時派員眼同  
查驗不得仍用舊稱儻敢不遵卽行詳辦 一交鹽付  
價查近來行棧脫空鹽價及掙抵貨物希圖多得行用  
大爲商販之累擬請嚴立行規於販鹽交清後立卽兌  
付見銀庶商販轉輸迅速其有願以鹽換貨者聽 一  
嚴查夾帶新章每包一百五十斤向來各營販鹽專用大  
包又有包外夾私艙底散鹽其弊不可勝計擬請仿照  
大勝關南鹽辦法於懷遠或沭河口派員稱掣逐船查

點驗票放行查有私鹽立即解局詳辦 一起棧堆廩  
兵燹以後淮河鹽船稀少商販待價而沽守候日久不  
免風波之險偷漏之虞查正陽地方向有堆鹽舊址擬  
請飭令各行修理設立公棧以備堆鹽可免船戶勒捐  
且使船回迅速住日減省以利轉輸其有願於船載者  
聽經鹽政曾國藩批據稟第一條准於正陽關設立督  
銷局售價分作三等上色鹽每包至少不得減至二兩  
八錢以內如遇暢銷由局隨時提漲懸牌之後必須銷  
過一箇月方准改換不准忽漲忽落致商販無所適從  
分局尤不宜多設以一事權而節糜費其分成之法應

新舊各半勻銷以昭公允第二條行棧舞弊最爲礙法  
之害應由督銷局查明殷實官行取具連環保結給諭  
開張並將各行字號的名開冊報查其餘私設行棧一  
概押閉至交易銀錢准由商販自行經理該局應隨時  
稽查儻有延欠脫騙等弊立即提辦勿以委員不得與  
聞卸責第五條北鹽出湖係在五河正陽關設卡抽釐  
與淮南緩釐情形不同經過釐卡必須抽稱點包如有  
重斤夾帶應由釐卡委員提鹽充公毋庸另行設卡其  
餘三條均屬可行仰卽遵照

同治三年七月鹽政曾國藩批正陽卡督銷委員運判韓

茂萱稟報開局并鹽價一案所稟正陽關鹽價每包祇售二兩二錢核與稟定之數短少五六錢必須實力扳提方能保固藩籬仰卽照章嚴加整頓隨時稟辦勿稍畏難

同治三年七月正陽督銷局運判韓茂萱稟查得三河尖爲兩省三縣交界販運來路見在行戶之弊更甚於正陽且存鹽尙多急宜整飭懷遠爲蒙亳必由之路附近亦有銷數該二處必須設立分局照章舉辦以歸劃一當經派員前往擬定三河尖賣價三兩懷遠二兩六錢比較正陽二兩八錢均稱平允飭令委員督同行戶遵

章辦理惟三河尖因兵差甫過各行戶率多避出未歸  
應俟查明諭定再行開辦見在統計懷遠正陽三河尖  
一帶存鹽十萬餘包秋後銷市漸起不難銷售上游兵  
警漸鬆後鹽亦可陸續運到卑職謹當往來督察實力  
籌銷如有應行興革事宜隨時稟辦茲將擬議挨輪章  
程分開清摺呈請批示 一查抵關舊鹽截至開局止  
共計四萬餘包其中販鹽約兩萬餘包漕轅安撫餉鹽  
兩萬餘包指日新鹽陸續運到必須定以整輪按成勻  
銷今擬以二萬包爲一輪新舊各半勻銷譬有來販買  
鹽一千包者按提舊鹽五百包以昭平允 一提鹽二

萬包爲一輪見在餉鹽尙多擬以一萬包作爲十成內  
銷餉鹽五成販鹽五成其餉鹽五成內撫營軍務較緊  
擬分銷鹽三成漕轅鹽二成續後商販新鹽來岸較多  
餉鹽漸少再行分成售賣以期一律 一開局後續到  
之鹽無論新舊販鹽擬皆作爲新鹽輪銷如到鹽數內  
販鹽紬於餉鹽則以餉鹽抵銷餉鹽如少於販鹽則以  
販鹽抵銷足數免致虛輪占擱 一新鹽擬按照到船  
先後分售以五日一算按鹽數之多寡扯分成之大小  
挨次勻銷以歸畫一 一鹽船抵關挂號後如有自運  
赴上游以及他處銷售者亦應赴局報明俟挨到輪售



之時方准開行以杜取巧 一派售販鹽儻買客以鹽色高低不合莊口銷售者俱准稟明酌量變通卽以後檔應提先售之販鹽應銷其前輪銷存未提之鹽卽歸第二檔輪鹽內按成首先提售以免向隅經鹽政曾國藩批據議換輪分銷章程第一條至第五條均屬周妥第六條所議派售販鹽儻鹽色不合莊口卽以後檔之鹽應銷等語查販鹽旣整輪規輪到之鹽斷不可以後鹽越售卽因鹽色稍次該局售價本分三等應照最賤之價出售若准以後壓前則鹽行卽可以鹽色爲詞高下其手此端萬不可開應行刪去仰卽示諭各商販照

章實力經理並將每旬售出販名引數分別新鹽舊鹽開具清摺兩扣按旬具報查考

同治三年九月正陽督銷局運判韓茂萱稟查得三河尖界連皖豫中隔一河河東爲皖北阜陽霍邱兩縣所轄河西爲豫省固始縣所轄由此河西南則商城固始一路由此河西北則信陽州光州一路皆爲淮北引地兩河至此合流凡淮河鹽船皆至此停泊以上數十里沙灘平淺皆係山河大船不能上駛另換竹筏裝載上運歷年賊蹤竄擾竹筏舟楫損壞者多又值光信一帶賊氛不遠道路通塞靡常鹽客不能挾貨下駛是以暢滯

不定卑職到三河尖詢知鹽價雖及三兩上下而所用  
稱砵多在一百二三四斤不等砵外加斤竟有二三十  
斤不等又因銷市不暢各餉販爭先求售彼此放跌或  
換布匹雜貨或放賒賒期竊思正陽在三河下游三河  
如此正陽見定價目亦不可保非整頓三河不足以固  
正陽門戶查該處並無專設鹽行皆係雜貨陸陳各行  
代售當卽曉諭各行販嗣後鹽船到岸一律投局挂號  
按照到船先後挨輪出售如此則各行不能把持儻有  
弊端卽行押閉通查三河尖在河各鹽截至九月初一  
日止撫餉八千餘包漕餉一萬四千餘包販鹽三萬六

千餘包共數六萬餘包見今定價三兩雖屬不貴積弊  
初除不無觀望卑職並移知光山固始光州信陽各州  
縣將定價斤重章程請其一體出示曉諭庶商賈貴買  
貴賣亦可樂從經鹽政曾國藩批據稟整頓三河尖按  
輪扳價情形悉協機宜仰卽如稟認真辦理鹽務之大  
患無過跌價搶售四字本部堂專注意於此節也

同治三年十二月海分司沈炳詳伏查淮北票鹽見今銷  
路不暢固由湖水枯涸買運維艱亦因岸價未提湖販  
無利可沾以致銷市日絀見經憲委韓運判在三河尖  
正陽開設法疏銷釐定鹽價聞該行等陽奉陰違暗中

跌價希圖搶售致壞鹺務且岸價一日不長壩銷一日不旺則壩價無從提長見在壩存販鹽七十餘萬包各票販亟於求售轉輸濟竈來春方可接運後鹽尤須及早維繫茲據該販等稟提壩價以保販本定岸價而利轉輸均屬目前當務之急可否准其提長每包不得在九錢以內卑職仍當察看銷市隨時提長以保販本稟祈示遵經鹽政曾國藩批查督銷以保價爲主岸價一提壩銷自暢正陽關售價前經韓運判稟定章程最次之鹽每包不准過二兩七錢果能恪守定章何致無利可獲乃各鹽行陽奉陰違竟敢暗中跌價放斤可憾已

極該運判責有攸歸何以一任賤售毫無覺察仰候嚴  
札韓運判明白稟覆實力整頓如再辦理不力定行撤  
委並札淮運司一體申飭

同治四年正月鹽政曾國藩批正陽督銷局運判韓茂萱  
稟銷數未暢一案查放斤換貨派銷放欠等弊最爲售  
銷之害營委承辦官鹽無不急於求售殊不知一處通  
融大局卽因之敗壞本部堂於安慶餉鹽不另派員籌  
運卽責成分司籌銷卽責成督銷局深恐委員奉行不  
善卽滋弊竇且屢以不跌價不搶售再三告誡無非爲  
保固藩籬乃正陽銷數至今未見稍有起色固由鹽行

暗中搶跌而各委倚仗營勢句串舞弊亦所不免嗣後無論官運販運統應恪遵定章歸督銷局按成挨售以維大局如再有前項情弊卽由督銷委員指名稟究仰候分咨漕部堂安徽撫院一律轉飭遵照再刊章敘明嗣後不准再立餉鹽名目何以漕轅又有城工餉鹽八萬包是否卽係濟甯內之二萬引合八萬包之數並候札飭海分司查明稟覆察辦

同治四年正月鹽政曾國藩示照得淮北銷鹽向以正陽爲總匯嗣因路梗銷滯來販日稀下游各販不得已駛赴三河尖覓售近查三河本無專設鹽行皆雜貨行代

客買賣以爲鹽船到後不能再往上駛百種居奇脫騙欺販甚有句結兵勇藉端毆客之事以致商販視爲畏途亟應改歸正陽一律由督銷局出售以一事權而資整頓合行出示曉諭爲此示仰商販人等知悉自示之後無論何項北鹽船隻均赴正陽歸局發售儻敢駛赴上游仍前滋弊由督銷局就近提案詳辦以保藩籬其各懍遵

同治四年五月鹽政曾國藩批正陽督銷局運判韓茂萱請給行戶牙帖一案查鹽行領帖安慶牙釐局定有章程每帖一張應繳捐輸銀三百兩仰卽轉諭各鹽行自



赴安慶牙釐局遵章請領仍候札飭牙釐局知照

同治五年四月署鹽政李鴻章示照得正陽關鹽行把持壟斷百弊叢生水販既被欺朦湖販更受抑勒稱手行戶勾結一氣浮費日增商利日薄以致鹽銷短絀貽誤課餉本不難全行押閉歸局售銷姑念爾等納帖已久一旦失業情有可矜合行臚列規條愷切諭禁爲此示仰行戶人等知悉自示之後務各恪遵後開六條痛除積習代客買賣每包准取行用三分計利不爲不厚儻竟執迷不悟復犯局規除將該行封閉永遠不准重開外並由局拘提行戶從重究辦商販意存取巧串行舞

弊一體嚴懲决不寬貸

一鹽行售鹽成交後先將銀兩算清交呈局中俟鹽過畢分別給價銀色統歸曹平足色九八兌鹽行每包除提行用三分外其扣平廟費稱手錢等名目一概革除一售鹽均應挨輪惟八十包以內之小販獲利較微准其另立一輪隨時出售以示體恤售價仍應繳局轉給一搭貨掙銷最爲湖販之害應遵定章一律以見銀交易違者究罰

一局中定價務宜恪遵如敢陽奉陰違暗中增減察出提懲

一官運鹽斤應與民販一律挨輪不准搶越委員如敢倚勢欺商卽由局員稟請參辦

一過鹽悉用曹砧十六兩官砧以淨鹽連包皮一百六斤出售行中稱手如敢高下其手卽由局員就地責革枷號河干示眾

同治五年五月署鹽政李鴻章批正陽督銷局同知王治覃稟湖販售鹽完釐一案查湖販赴壩買鹽帶下本銀除備水腳外類皆儘數買鹽上駛長途險阻勢不能再將銀兩帶回完繳釐金到關後若不准先賣卽無力繳釐頗有進退維谷之勢故經前辦委員稟准先賣二成

以爲繳釐之用係爲舒販力速餉需而設此章不必更張又鹽旣全歸正陽輪銷其光固信羅之客若未到輪自不得任其越輪先放八十包以內之鹽隨輪出售旣有流弊經該丞改覆舊章所辦甚是至整輪扳價監察稱阻是督銷局之專責何以欲設售鹽公所舉董承辦恐致事權旁落費用另增該丞初入鹽務商販人等往往無私不發公言未可輕信應將商稟錄送詳細稟復駁奪

同治五年七月正陽督銷局同知王治覃稟復行戶平日多曲徇買販意以鹽船到岸不准上駛自須歸行輪銷

若不先以放斤跌價脫貨拖欠等事穩住買客則正陽行戶十餘家客可去此適彼是以極意籠絡而一行數十夥友各敘交易同一鹽樣價目互有參差皆由買賣兩不謀面全聽行夥主持行戶既喫鹽盤復於貨中貪圖行用積習已久牢不可破一行如此他行可知此行戶索法之實在情形也買販多來自上游見銀者少挾貨者多往往未及到關而行戶上赴爭迎落行成交多爭買二成完釐之鹽取其急售可以減價貨值可以高擡復串同行戶覓求套餘空輪誘令未入輪之鹽借名頂替可省待輪久住之費藉圖勒價取巧此買販索法

之實在情形也至如湖販亦祇顧已私不顧大局鹽未  
到關心先求售查西壩到岸水腳以四十天起給往日  
近年輪銷以來卽時值淡銷亦無有至四十日而不提  
輪者無如欲速之心人所同然事前則營求跌售過後  
又訴說喫虧折本受欺皆由自取此湖販紊法之實在  
情形也卑職深知積弊太深非急切所能挽回眾議紛  
紜躁率必至僨事因與久厯淮河之老於商販者計商  
僉謂欲買販不勒價買巧必先杜行戶爭迎曲徇欲行  
戶不爭迎曲徇必先使湖販自固藩籬藩籬固則眾志  
可齊如果淮北有大商自可仿照淮南設棧收買辦法

無如限於地限於時復限於人夫鹽以正陽爲口岸販  
卽以正陽爲門戶而人眾志紛迄無主腦販情散漫未  
能收束籌思再四計無復之適西壩票販船幫湖販江  
西運販呈遞公稟雖措詞不文揭弊未透實皆出於一  
時之迫切然卑職猶恐偏聽復傳齊具稟各商販並行  
戶買販等透底澈詢僉稱心願非如此則茫無歸束且  
行販暗地通融舞弊局中實有不能窮察其隱者亦可  
互相箝制卑職參酌至再始令公舉二人承董試辦使  
其率同公糾守輪遵價自相禁束兼通商販難以直達  
之情目下北鹽地面人色率皆短本經營錙銖必較督

銷控制買賣必須權衡兩可方持情理之平起初亦有不肖行販以其不利於己妄肆呶啞迨數日後則亦同歸一轍且自道向日爭衡買巧情形互相比較雖同一沾取便宜彼此尙有軒輊今則併入一處敘立交易公價公稱兩無所欺俾來販買賣有所依歸行戶經紀有所趨向原知市肆流通拘定非法然價目本有三等視乎鹽色高低而輪法稱法斷不可稍有權移此中尤易滋弊竇如此設法而輪價稱三者庶不至紛歧雖向來鹽務腥羶多一名目卽多一招搖糜費而實事求是正可相輔而行況銀兩仍由局中估兌稱砵仍由局員監



察交易憑行事權在官見已試辦一月尙能各就範圍  
銷市亦漸有起色至公所費用雖據稟明白備資斧當  
此革除費用之際原不應多此虛糜然旣非官派亦非  
強求眾口一詞出自販願似可聽其自便用順商情經  
署鹽政李鴻章批據稟行戶買客湖販察法各情切中  
時弊前請設立售鹽公所察核販稟尙出因公旣爲稽  
稱扳價整頓輪規起見應准暫行試辦

同治六年十一月正陽督銷局知府王治覃稟查行戶已  
於十月十六日設立公行買賣總歸一處並據各行戶  
稟稱竊近年岸務必先整提鹽價定盤通歸畫一庶可

固藩籬而資久遠所有向來岸價低昂不一情弊一因夥友眾多交易各出一手以致買賣異樣一因上游貨物甚多見盤稀少以致估值不免參差茲公同籌議併十二行爲一家會同一處買賣不得在本行私立交易並公議章程合併黏呈等情伏思果能確守議定章程何慮岸價不能畫一惟該行戶苟全交易徇於積習其最甚者行戶受來客之賤貨揠搭鹽客高擡價值旣圖厚用復喫貨盤往往令商販暗地利薄喫虧此禁斷不可稍弛雖見已自願公銷似乎得有把握不致人眾志紛而買賣一公鹽價自能畫定猶恐奸黠商販不遂欲

速見小之慾或不守分遵章卑府尤擬加派委員駐公  
行督理監盤專禁掙貨跌價搶銷等情庶不爲所朦蔽  
又稟商販完釐卑卡銀價前曾提至合銀一兩通足制  
錢一千四百文今銀價尙未減跌而卑卡分解銀錢必  
須酌劑盈虛方與濟餉恤商兩適其宜擬再加價五十  
文以通足制錢一千四百五十文合銀一兩卽自十一  
月初一日始附呈正陽各鹽行公議條規

一鹽行十二家通裁夥友公同在於一處買賣各行公  
同照料公請管事一人出會二人掌盤四人分司其事  
凡有來客悉投公處買鹽所有見銀若干貨物若干買

鹽若干問明敘盤總期買賣平允兩獲其利不准在本  
行私立交易所得行用按十二股均分並公提管事出  
會等友薪水以杜同行眾志紛紜之弊違者公稟押開  
一鹽價急宜扳提其弊素由夥友與客敘立交易各出  
一手或湖販搶售掣銷甘於私跌今歸公處訂盤不由  
各行私議此後經手掌盤者每日應卽查看市情妥訂  
畫一鹽盤仍照鹽色分別三等不准同日同樣異盤違  
者察出罰究

一搭貨本干例禁或賣客亦有願受者茲後如有願受  
必須估其價值不得與下游售價相平總要將下駛水

腳釐金算除俾得少沾餘利方不虧本如客不願受貨者亦不得強搭

一嗣後買賣成單應遵局定牌價交易送銀赴公估驗平不准獨漲獨跌違者察出行戶押閉商販全鹽充公經鹽政曾國藩批據稟鹽行人眾志紛以欺商騙販爲長技售價暗漲暗跌係各岸之通病經該守諭令設立公行總歸一處出售以杜掙貨跌價搶銷等弊深得貿易要訣披閱公議條規第二條謹敘妥訂鹽盤分別三等而未將實價開明恐將來仍不免高下其手該局售價前據五河卡具稟每包總不過二兩五錢上下核與

旬報上色每包售銀二兩八錢未符且湖販見旣核減  
壩價又提完釐銀價又裁黃河工費每包二分是成本  
較前大輕亦宜將局價核實平減方可有益皖豫水販  
以廣招徠應由該守將上中下三等售價實定若干專  
案稟報稟定之後案立如山非遇大暢滯不可輕易增  
減庶足取信水販若任鹽行每日訂盤水販便無所適  
從此層爲齊行緊要關鍵萬不可稍有含混應再重議  
速稟核奪其餘三條均屬妥協另請增完釐銀價每兩  
五十文悉准照辦惟旣設立公行則與該局所設之售  
鹽公所未免重複應否將公所裁撤以節糜費並卽妥

議復核

同治六年十二月鹽政曾國藩批正陽督銷局知府王治  
覃稟鹽價一案查督銷首重保價保價須先定價該局  
售鹽每包實售二兩五錢而旬報則稱售二兩七八錢  
不等未免底面不符且局價與摺報懸殊鹽行得所藉  
口轉啟陽奉陰違增跌無常之弊見在湖販成本既經  
減輕若不趁此核定局價不足取信商販本部堂酌定  
該局售價仍應分別三等上等每包不准過二兩五錢  
以外中色應減五分下色再減五分不准跌至二兩四  
錢以內應由該守懸牌示諭責成公行照此出售稍有

軒輊卽應嚴究此非機密之事無民可使由不可使知之說本部堂於鹽務刊發之章懸牌之批務使眾商共見其聞惟恐有一毫隱瞞致良商受奸商之愚弄也至售鹽公所似亦可裁姑候三二月後再行查核稟辦豫販妄遞稟件固屬可恨前批已令壓銷一輪足示薄懲待商販以信字爲本而以嚴字寓於和平之中商情方能悅服亦不必竟緘其口轉使下情無以上達並候札飭淮運司海分司知照

同治七年二月鹽政曾國藩批正陽督銷局知府王治覃稟牌價一案據稟該局牌價已遵本部堂批示之數核



實出售前設售鹽公所及商董亦已裁撤此後事權歸一所辦甚是其監稱稱手人等既已歸併該局所需公費如稟准其減存三釐以備應用仍將收支數目另開一摺隨同局用清冊按月報銷至官運鹽斤到岸仍歸督銷委員稽查不准以軍餉藉詞搶跌賤售刊章內列有專條來稟謂夾以官運必當設法融銷融之一字爲鹽務極大流弊豈該守而可蹈此積習耶務須與商運一律挨輪不得稍徇情面致紊局規完釐銀價准其再加五十文每兩作足制錢一千五百文

同治八年正月正陽督銷局知府王治覃稟今春因商販

有謂公行不便者遂令各歸各行買賣但由公行成交立票委員監盤以順商情而昭畫一曾經開摺面稟在案然公行本爲杜弊恤商而設乃行之積久商販不以爲便應請卽行停撤免爲行戶假託商販藉口經鹽政馬新貽批允裁撤

同治八年十月鹽政馬新貽示照得正陽公行裁撤以後湖販豫販均應恪遵局規歸行買賣前經飭令督銷局密益加密隨時稽察如有弊竇卽行查明稟辦原以杜行戶脫欠之弊而爲湖販豫販保全成本竊近聞湖販豫販竟敢隱瞞督銷局私相授受流弊不可枚舉合行

下海鹽法司 卷之二 一  
出示嚴禁爲此示仰商販人等知悉自示之後儻敢仍  
前私自售賣任意賒借設有脫誤係屬咎由自取督銷  
局非但不能代爲追欠並當嚴提奸販重懲以爲不守  
局規者戒勿貽後悔懍之

同治八年十一月鹽政馬新貽批正陽督銷局知州李春  
棠詳變通章程一案西壩售價暗增洵於湖販成本銷  
路均有窒礙前已札飭海分司出示平減究竟見在壩  
價每包實價若干候再催令據實稟覆至豫販自備資  
本赴壩捆鹽舊章本聽其便至鹽抵正陽前令與眾販  
挨輪售賣未免強以所難遂致有賄通行戶自買之弊

自應變通章程此後豫販自運之鹽下駛時由行出具保結赴局挂號其捆鹽回到正陽仍照舊章與眾販一律挨輪到輪時准其原船上駛不必定在正陽售賣似於商情爲便惟不得將自運之鹽另再提輪並嚴查通同冒混之弊以杜取巧至驗資一層弊端甚多斷不足靠應毋庸議

同治九年閏十月鹽政曾國藩批正陽督銷局知府桂中行稟鹽釐兩事請示遵辦一案據稟正陽售鹽向有零星小販兼有豫省販戶赴壩自運之船與淮南票商情形不同故輪規不能如淮南之整齊察核所稟目前已

售之船上駛及自運之船下行均非鹽行爲之具單出  
結不可是利權不由局操適遂行戶把持之計該守擬  
歸南北兩釐卡憑票查驗放行係爲便販革弊起見仰  
卽如稟辦理仍候數月後察看三河信陽情形再行妥  
酌稟核至鹽行如果例外索費必須從嚴禁革其應給  
行用仍令各販照常應付行中設有虧欠商本情事惟  
該行是問西壩票販自報效隄工捐款以後成本亦較  
前加增前定上色每包售銀一兩次色每包不准跌至  
九錢五分以內係酌中核定未便再減據稱見在壩價  
每包需銀一兩二錢零究竟有無暗增情弊候飭海分

司據實稟復該局售價下色定售二兩四錢亦不可少  
應卽設法逐漸扳提以期名副其實睢甯一帶場私係  
由何路繞越並札海分司飭場查明嚴行扼堵另摺所  
請示禁營鹽派撥礮船兩條均屬可行候一面刊示給  
發一面咨商安徽撫部院酌量撥護

同治十年四月正陽督銷局知府桂中行稟卑卡自去冬  
改章行戶無從把持遂聳令湖販具稟謂大船水淺難  
駛小船紛紛汴流而去則上游買客不來大販必致坐  
困請按包捐資設立議價公所卑府曲順其情批謂公  
所可立資不可捐先籌兩三月經費暫行設立如果辦

有成效再議另籌長久經費於是湖販議舉一人專駐公所自上年十二月設立起按旬議價毫無實際又具稟謂壩價見定一兩而票販賣至一兩二三錢非在壩設立平價公所不可屢促轉稟委員赴壩督平壩價前與署海分司許丞悉心商酌壩價實有難以畫一之處其故緣票販近年捐修河工成本較重亦由湖販多向票販賒欠不問鹽價之昂祇圖賒鹽之多今若在壩設立平價公所必須湖販不向票販賒欠而後可但恐有名無實未敢冒昧轉陳頃自金陵回局適值正陽災後是又憊患地方人等以鹽出正陽則街市生理蕭條災

民無以爲生稟求仍復舊章令在正陽售賣再三開導  
謂聽其自然並非驅之使去鹽船在此守輪停泊每經  
一兩月之久何致街市遂無生理況鹽務與地方原係  
兩事何能互相牽制彼時公所中湖販亦稟請勒令眾  
販在正陽守銷一月一月之後如不能銷方准上駛其  
已銷者出卡以公所出條爲憑等語明知所稟顯係設  
法嘗試若令在此守銷一月眾販必不情願然伊等聳  
動地方以災爲詞姑准試辦乃甫經批准次日卽有小  
販與豫販具稟均謂新鹽業已到岸販等皆係陳鹽何  
能與新鹽在此守銷縱使銷市暢旺人必舍陳而就新



販等必至資本盡耗當時未敢驟允仍令守銷迨至數日之後眾販紛赴南卡懇求復又至局環懇因之批示曉諭出輪後仍聽自便所有議價公所卽行裁撤以免爭競至於鹽之無利一由私鹽充斥一由小販搶售查私鹽自邳州睢甯一帶侵入臨淮懷遠各處偷渡淮河灑入鳳陽各屬南侵江運之廬州近且由壽州地界挑赴六安境內其在淮北者則由蒙城可以繞赴沙河上游灌入潁屬越過卑局汴河口釐卡是私鹽之害不獨有妨銷路並亦有礙鹽釐今不過侵佔皖境將來必漫及豫岸銷路愈滯則鹽價愈賤販本愈虧至小販搶售

緣本小利微以速售爲餬口計大販販鹽一次小販速售可販兩次今且售過之後折赴臨淮一帶販買渡淮之私鹽其去來愈速其成本愈輕其搶售之心愈不可遏見擬月內親赴懷遠臨淮一帶察看下游私鹽情形並約會五河鹽釐局之劉直牧悉心討論如有稍能補救萬一之計再爲瀆陳經鹽政曾國藩批據稟鹽行人等專以把持取巧爲事一不遂欲則百端聳惑是其慣技所設議價公所既無實際自應裁撤督銷一事以整輪扳價兩端爲最要關鍵小販轉輸便捷頗於銷路有益固不可不曲加體恤而鹽務宜整不宜散大販鹽多

本重較爲可靠尤應代爲主持務使運鹽各販不論大小皆有利沾方可持久見在行戶壟斷之弊已剷除大半但鹽船出輪後聽其自便鹽不盡在正陽開售勢必轉運三河尖信陽州等處就地零賣有無流弊仍應隨時察看斟酌稟辦至邳睢一帶私鹽侵入臨淮鳳潁等處不可不速籌堵緝該守旣擬親赴下游與五河釐卡劉直牧討論一切仰候到彼後悉心籌議稟候酌核辦理

同治十年五月湖販鄭復興等稟販等在西壩買鹽當地成本不多運至正陽整輪即可扳價從無私鹽侵佔四

五六年正陽售價在二兩五六錢七八年亦在二兩四錢上下除去釐金運費總有盈餘迨後准四十包之小販隨到隨行不與販等同守輪規日久弊生多有併票分船者此等小販在西壩買票鹽無幾每在五河以上之毛灘集安瀾集臨淮關懷遠以上之石頭埠加買私鹽其鹽有徐臺小票半官半私各處成千累百列肆售銷本係私販又少報五河釐捐鹽價較賤小販圖巧競買本輕運速到正陽祇按鹽報釐並不究其大票又不拘於守輪駛至豫岸邊地跌價濫售將販等賣鹽來源大半堵截販等人心不齊每因銷滯價亦遞減去冬今

春賤至一兩九錢有零而西壩鹽價於六年間見買者  
卽漲至一兩二錢以外其賒欠之湖販每包更外加一  
錢並另照欠月數認三分利息貴買賤賣販本多有虧  
折督銷局目睹價跌銷滯時切隱憂然體卹小販復經  
稟改新章未便倏更惟准販等到輪後亦復上駛於是  
藩籬一撤各販紛紛上駛跌價搶售而販等船隻較大  
坐困無期鹽數較多亦難躉銷爲目前挽回計非西壩  
照定價交易無以輕本非照章在正陽整輪無以扳價  
非嚴查私鹽夾帶無以杜侵銷否則湖販立形潰敗卽  
票販如僅恃小販搬運亦必受傷鹺務釐金所關匪細

瀝陳實在情形籲懇准飭西壩鹽價不得過一兩嚴禁  
暗增正陽小販不得過四十包嚴杜分票一遵照舊定  
章程辦理經鹽政曾國藩批查整輪扳價爲鹽務最要  
關鍵察核該販等所陳滋弊各節不爲無因昨據桂守  
具稟籌銷情形當批飭隨時察看稟辦在案蓋銷路一  
分局勢卽散深恐各販有跌價搶售之事本部堂早慮  
及之候飭桂守遵照前批博采眾議如果實有窒礙自  
應更復舊章實力整頓勿稍拘泥所稱小販在臨淮一  
帶買運私鹽此層桂守前稟言之亦詳已擬親赴下游  
與五河卡劉直牧悉心籌議辦法俟覆到再行酌核至

壩價一事上年十二月間業經飭據海分司查復見銀  
交易者悉照定章出售尙無提漲情事其搭貨交易者  
貨物間有低劣價值參差在所不免等語當經批令嚴  
加稽察在案該販等赴壩買鹽果能概用見錢則扳價  
更有把握但恐此時湖販力仍未逮候再札飭海分司  
嚴諭各票販不准私自增跌以保藩籬

同治十年六月正陽督銷局知府桂中行稟卑府五月初  
旬由正陽順流而下親赴壽州下蔡懷遠各分卡察看  
各卡情形壽州分卡鹽釐雖不甚暢旺當此水大之時  
每月尙可收錢一千數百串下蔡較壽州遠遜懷遠則

尤同虛設幾至鹽船絕迹是皆蒙毫一帶私鹽充斥之故查從前正陽銷鹽原爲整輪扳價起見整輪莫良於挨號乃淮北小販太多自數十包以及數百包不下二三千戶若必挨號銷售則鹽少而到在後者勢必坐耗其資於是通融其間小販之四十包以內者准其到卡五日後銷售其四十包以外以至於一二百包者因小販有不守輪之例遂亦詭名分票濫充小販希圖速賣市間既有不守輪之鹽又有大販先賣二成完釐之鹽鹽已充塞不斷大販出輪更屬擁擠行戶左袒大販買客亦樂與大販交易迄至小販雖有不守輪之名而實



無賣鹽之日坐耗既久不得不勾串行戶捏名售賣行用既給卽佯向卑局請稱過鹽其實原人原船紛紛上駛又有豫販之徑赴西壩捆鹽者向有自運之例船抵正陽給以減半行用准其原人原船駛去其實但須行戶出結究竟確係豫販與否卑局無從深悉卑局督銷之權全恃南卡爲關鍵鹽出南卡必有所憑商民買賣卑局無從而知必以行單爲據是南卡雖爲督銷關鍵其視行戶爲啟閉也上年變通章程出輪後聽其自便鹽過南卡數目以釐票爲憑遲早以輪榜爲憑行戶無所施其計商民無所庸其弊雖於商民稍便而流弊亦

不可不防水大之時大船均可上駛冬間水涸大販駁  
淺不無所費其弊一上游無督銷之員其行戶之劣者  
或至拖欠商本大稱低銀在所難免其弊二正陽完釐  
之錢商販多貸之於錢店售鹽後陸續歸欵茲鹽船遠  
去錢店索債較難誠恐轉折不周則於鹽釐有礙其弊  
三整輪扳價爲鹽務第一關鍵今因輪之未易整價之  
未易扳遂聽其自便而不之問不無因噎廢食刻下行  
止自便中下之戶未嘗不樂立法之寬脫竟愈搶而愈  
跌勢必追咎於操縱之乏術此害之未萌於見在不能  
必其不兆於將來其弊四有此四弊雖能力漸行戶之

積習便小販於目前然不敢謂爲盡善之計竊以爲卑局爲票鹽之流其源則在西壩利權所在固宜整不宜散無如鹽以四十包爲一票其源已散卑局維繫於正陽整之則罅漏皆成弊竇散之則漫衍而不能主持銷路祇有此數又爲私鹽所侵占銷不暢則岸價跌岸價跌而壩價且增至一兩二三錢長淮之民不及大江南北之人之善於營生舍此又別無可以糊口將來必至大販小販俱困而後已此次湖販王永興等呈請仍在正陽銷售不得已據情轉稟應否照准辦理之處恭候憲示遵行該販等所稱飭各行帶客赴局成票是仍有

名無實如准其照辦應飭該販等議舉公正湖販數人  
設一公所其買賣成交卽由公所逐日呈報卑局豫販  
之徑赴西壩捆鹽者是否確係豫販該湖販等自應知  
悉果係豫販似不必令其給予行用應令出輪後自行  
上駛是否有當謹肅稟陳經鹽政曾國藩批查正陽整  
輪之難皆因小販不能不稍示活動章程不呆弊卽因  
之而生茲據該守轉據湖販之稟請示前來查鹽法不  
外審察利弊凡值利弊不能兩全必須權其輕重今鹽  
船出輪聽販自便其利祇小販不受行戶把持其弊據  
稱約有四端而愈搶愈跌之風尤爲弊之最甚斷不可

長是此事利少而弊多自應仍復舊章凡有鹽船悉在  
正陽守輪至議價公所甫於四月內裁撤從前既無實  
際此時不必復設豫販之徑赴西壩捆鹽者舍取保亦  
無他策惟有明察暗訪將所保不實之人懲辦一二或  
可漸杜假冒其保結亦不必專用行戶卽辦鹽可靠之  
商販無不可保行戶無所施其伎倆自運之鹽到正陽  
後仍遵舊章與眾販挨輪俟到輪後不願在正陽出售  
方准以原船上駛至四十包以內之小販固不能不曲  
加體卹然亦須定以限制本部堂酌核應與大販之鹽  
分成搭售如今日眾販售鹽一千包准搭小販鹽一百

包是小販每日皆有鹽售較大販已便轉輸其四十包以外一律挨輪輪規嚴則價自扳提矣仍須嚴查分票濫充小販之戶察出予以重罰以昭炯戒

同治十年八月正陽督銷局知府桂中行稟據湖販王永興等具稟前次所設公所其所以毫無實際者以鹽船多赴上游售賣故公所如同虛設茲旣在正陽銷售若無公所稽查弊竇則難免行戶高下其手私自跌價等情卑府伏思公所旣經裁撤自應遵示不必復設其鹽價亦應遵照憲定之數下色至二兩四錢爲止惟隨時情形不同誠如該販等所稟此時若無公所則卑局與

湖販行戶之氣不通氣不通則無從稽查其弊鹽價數目與其陽奉陰違不若逐旬擬議核實扳提猶可漸收實效卑府姑暫批准照該販等所稟妥爲辦理見已於七月十六日將公所設立卽於是日出輪提鹽一萬一千餘包議定價值由公所公平交易辦理經鹽政曾國藩批允復設

同治十一年六月正陽督銷局知府桂中行稟查上年自七月起至年底止豫販五十七戶計上駛鹽三萬六千六百餘包本年自正月起至五月半止豫販七十五戶計上駛鹽四萬八百餘包數目有增無減其中雖未經查有

假冒情弊然此七十五戶之中是否確係原籍開有售鹽店鋪不得而知若本無店鋪之戶則其情與湖販相同自未便聽其上駛卑府擬將見在運鹽各豫販名號開單移查各原籍是否有此店鋪如無店鋪者嗣後卽飭令在此銷售其本有店鋪或新開店鋪願運票鹽者卽由各原籍移知卑局列其名號嗣後准其源源上駛否則不准朦充豫販名目此間仍嚴飭保人必須確查豫販真偽並查其有無夾帶他人之鹽如有弊混卽將保人嚴辦經鹽政何璟批如稟辦理

光緒四年正月正陽督銷局直隸州廖綸稟據湖販盧大



興等呈稱竊販等運行票鹽自同治四年奉前督鹽憲  
曾刊示定章無論何項北鹽統歸正陽局發售不准私  
行上駛爾時銷暢價高湖販獲益嗣後定章屢變買賣  
皆難販等勉力支撐若再不求設法勢必不可救藥推  
原受累之由其端有二一在票販之加價多增成本也  
查西壩定價上色鹽一兩八分中色一兩六分下色一  
兩四分今票販賣與販等統以一兩一錢爲定價鹽則  
以上中下三色勻配十包鹽卽多出銀四錢餘矣他如  
平色稱硃以及壩工車價棧費船價駁費壩卡楊莊十  
二埠卡各項費用運至正陽五正兩卡釐金鹽店行用

保衛局捐項稱虧滷耗客食零用每包合成本銀二兩二錢餘正陽鹽價長跌扯算上色二兩二錢餘可得利一錢中色二兩二錢餘僅能敷本下色二兩一錢餘卽折本一錢若守輪日久船價花費愈多壩欠過期按月加息愈重尙在成本之外且票販由場至壩路僅數百里所交鹽課鹽本各項官費每包止需銀五錢四分五釐二毫再加包綱費棧費食用費每包八錢足矣按壩價一兩一錢則票販獲利已多衡以均本均利之法湖販則喫虧太甚此壩價被加成本較重之實在情形也一在豫販自運之占塞銷路也初設督銷局祇有湖販

到壩運鹽至正銷售嗣因豫省銷岸各販間有自赴西壩買鹽者船到正陽與湖販一律守輪到輪時取具官鹽行的係豫販并無朦充夾帶保結飭行過稱入碼請領出條上駛豫販知有節制每輪自運者不過一二千包每年兩萬餘包於正陽湖販銷市尙無大礙上年易取保爲領照流弊更不可勝言有豫販在本籍衙門領照而另約湖販暗隨者有本非豫販而託人冒領執照藉以上駛者有預領執照一紙不填鹽銀數目到正轉賣於散販隨便填寫執用者以致豫販名號較前多至數倍每歲自運之鹽多至十餘萬包鹽行與豫販圖利

營私置過稱爲具文雖五正兩卡上釐正陽守輪與湖  
販無異而准其原船上駛載之湖販省錢省事取巧既  
多成本遂賤各岸銷市均被占塞查定章票胡豫三販  
各有口岸不得任意侵越豫販既可到西壩湖販何不  
可到板浦耶此越境壟斷銷路被塞之實在情形也兼  
之螺機船前經詳准每包提錢十文雖取之無多而成  
本愈重況淮河水源病在三河淮河發漲則須開三河  
減水勢船無風浪之險淮水淺涸則須閉三河自無淤  
塞之虞機船一項似無濟於河道其費甚重并乞詳撤  
等情到局伏查近來北鹺未能起色固由湖河水淺然

亦大半因壩價增加卡費繁多商本較重以致無力營運合無仰懇迅飭海分司通籌全局詳加體察所有鹽稱銀平壩價并楊莊十二埠糜費或量爲變通或查明裁革販本稍輕銷數自見暢旺至豫販聽其出湖自運百弊叢生該湖販原稟所指亦非無因蓋彼恃護照便其出入則冒充豫販之人多卽購買關鹽之人少矣湖販運鹽至關滯銷不能不跌價搭貨逃輪抵套則價不能扳輪不能整皆由於此查豫岸到關運鹽之販牌價平稱行用船費合成本均係一律岸價自不致任意漲跌而到壩自運之販成本旣輕又少正陽之行用別費

并借護照原船出口夾帶湖販抵套之鹽取巧既多壘  
斷尤甚應請出示嚴禁票湖豫三販各守舊章不准侵  
越免滋流弊嗣後無論何項豫販無庸在本籍領取護  
照到壩自運及原船出口上駛亦無需同湖販守輪祇  
准在正陽買鹽則諸弊悉除關岸兩受其益經鹽政沈  
葆楨批西壩售鹽十二埠等處浮費螺機船捐項豫販  
自運名目均已照議分別革除矣惟該湖販所稟有未  
足盡信者有諱匿不言者試與該牧詳論之正陽售價  
見定每包上色售二兩四錢二分中色二兩三錢四分  
下色二兩二錢六分販稟則稱長跌扯算含糊其詞可

見正陽之價病在暗跌如果西壩價分三等而正陽不爲扳提仍無濟事同治最暢之年壩價曾售至一兩二三錢而湖販不以爲苦由於正陽岸價不跌也近來跌價之弊固由自運之豫販百弊叢生其尤大者在廢票影射奸販得夾私之便宜成本較輕抵岸後不惜重費百計逃輪以致輪散價賤良商裹足一蹶不振至於如斯此皆湖販自壞藩籬猶以爲射利秘訣密不示人詎能塞眾口之沸騰耶若謂正陽無廢票之私何以光緒二年該局銷數比元年較暢而壩銷轉滯耶該牧初理離務尙未深知其詳試取案卷而稽核之便可恍然於

其故矣見在大票已定立限期另行頒示通飭仰卽嚴  
加稽察凡票填販名月日鹽數及船單均應逐一磨對  
查出廢票從嚴懲辦庶可杜絕無當之厄也

光緒四年正月鹽政沈葆楨示照得豫販本應在正陽買  
鹽轉運銷售前經局議在本籍領取護照准其到壩自  
運用原船上駛本爲廣示招徠起見乃日久弊生影射  
抵套於壩銷無益而於岸銷大損亟應革除豫販自運  
名目毋庸本籍護照亦毋庸原船上駛凡赴西壩運鹽  
至正陽者不論何省之人統名之曰湖販到關後一切  
整輪板價概歸一律辦理不得稍分軒輊以杜取巧爲



此示仰各販人等一體遵照

光緒四年三月鹽政沈葆楨示照得淮湖鹽船攸關國課無論何項差使向不准封疊經嚴禁在案近聞晉豫兩省委員到淮購糧紛紛持地方官符封雇船隻遂有假冒兵役借此影射訛索以致上下游鹽船皆畏阻不前於鹽運大有關礙除通飭沿湖各州縣嚴行禁止外合行出示曉諭爲此示仰諸色人等知悉此後無論空重鹽船概不准封如再有強封鹽船情事定卽提轅從嚴懲辦決不姑寬其各懍遵

光緒四年十二月鹽政沈葆楨批豫販趙中和等稟乞到

壩自運一案查豫販自運弊不勝指前經本部堂出示革除自運名目係爲正陽除一大弊若謂非自運則本重本重則銷滯何以革除後銷數轉大暢耶若謂汝光各屬產布今要運至懷五清泗各屬去壩旣近勢必在壩攔鹽本部堂示內祇革自運名目並未禁豫販來作湖販更何礙於經營耶革除自運或不便於奸商則有之而謂汝光十四屬須喫貴鹽其誰信之該商等果係公正無私方冀永絕弊端共沾樂利而乃聯名稟請改復自運難保非訟棍託名爲斂費之計仰督銷局確切查明稟候從嚴懲辦尋稟鄒永盛斂費主訟經批令移

縣會同密訪查拏從嚴究辦

光緒四年十二月鹽政沈葆楨批正陽督銷局稟板價一案查板價爲鹽法最要綱領其明雖定價而乃有暗增暗跌之弊皆行夥之高下其手也淮南西鄂鹽事從前皆由鹽行經理弊不勝指經程道桓生提歸局售行戶祇准招接水客不准經手售鹽行之十餘年商販稱便淮北自設督銷局迭飭板價承辦之員未始不加整頓而總爲行戶所朦今該局謂價雖定自局中而實則操之行夥既據裁革掌盤另設公所將鹽價區分九等特派委員經理係爲力除積弊起見悉如所稟辦理惟委

員成較重而賢否不齊萬一經理失宜其弊可駕行  
夥而上之定章伊始應由該員不時親往查察將來能  
否裁去一公所竟如淮南統歸總局一鼻孔出氣則更上  
一層矣仰候札飭運司海分司暨五河卡查照